

Nama:

Tarikh:

BAHASA MELAYU TAHUN 5

TEMA 5: JATI DIRI, PATRIOTISME DAN KEWARGANEGARAAN

UNIT 13: Sikap Bertanggungjawab

Tajuk: Warisan Pantun

Arahan: Padankan perkataan dengan makna kata yang tepat.

E-mel

Daripada: jimirebai@gmail.com

Kepada: afifnazri@gmail.com

Perkara: Pantun Melayu Sarawak

Ke hadapan sahabatku, Afifi, semoga dalam keadaan sihat sejahtera.

Tujuan saya mengirim e-mel ini adalah untuk berkongsi cerita tentang keunikan bahasa Melayu Sarawak menerusi Pantun Melayu Sarawak dalam acara bermukun. Menurut cikgu, apabila kita mengkaji dan memahami seni bahasa dan budaya tempatan, kita dapat meningkatkan **jati diri** dan tidak mudah lupa akan **warisan** bangsa.

Penerapan seni bahasa dan **budaya** ini dapat ditampilkan melalui persembahan bermukun antara wanita dengan lelaki. Gendang dan biola antara alat muzik **tradisional** yang digunakan untuk menghasilkan melodi yang indah bagi mengiringi alunan pantun.

Aktiviti bermukun ialah acara berbalas-balas pantun dalam sesuatu majlis. Warisan yang dihidupkan kembali ini menguatkan jati diri **bangsa** Sarawak terhadap seni budaya sendiri. Pantun itu dapat menyampaikan hasrat, mesej dan akal **budi** masyarakat Melayu Sarawak. Tambahan pula, pantun dituturkan dengan dialek Sarawak sekali gus meningkatkan jati diri pemantun kepada bahasa Melayu Sarawak.

Saya berharap agar budaya ini terus **dipromosikan** dan memenuhi **aspirasi** murid, iaitu berpengetahuan luas dan membawa **identiti** Sarawak ke peringkat **global**. Bahasa Melayu yang menjadi lambang jati diri juga akan semakin subur. Saya akhiri tulisan ini dengan serangkap pantun.

Bukan mukun sebarang mukun,
Mukun kamek berisi beras;
Bukan pantun sebarang pantun,
Pantun kamek minta dibalas.



PERKATAAN

Jati diri

warisan

budaya

tradisional

bangsa

budi

dipromosikan

aspirasi

identiti

global

PERKATAAN

keinginan yang kuat, cita-cita

sifat atau perbuatan baik

kaum, keturunan

sifat-sifat atau ciri-ciri yang terdapat pada seseorang

tamadun, peradaban

pusaka, peninggalan

kebiasaan, amalan yang kekal turun-temurun

seluruh dunia, sejagat

teras dan lambang keperibadian sesuatu bangsa

diperkenalkan